

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 412555 21 St
Tuzla, 24.01.2022.godine

Općinski sud u Tuzli, sudija Antonela Đaković kao stečajni sudija, u postupku prethodnog ispitivanja prijedloga za pokretanje stečajnog postupka nad imovinom dužnika, **„DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32**, koje u svom sastavu ima poslovne jedinice i to: 1. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Živinice, Gornje Dubrave bb, 2. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Brod, Krajiških brigada bb i 3. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Tešanj Kreševo bb, Tešanjka, dana 24.01.2022.godine, donio je sljedeće:

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika **„DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32**, koje u svom sastavu ima poslovne jedinice i to: 1. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Živinice, Gornje Dubrave bb, 2. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Brod, Krajiških brigada bb i 3. „DENI-ŠPED“ d.o.o. preduzeće za unutrašnju i vanjsku trgovinu, špediciju i transport Tuzla, Poslovna jedinica Tešanj Kreševo bb, Tešanjka, **MBS: 1-8812**.

Za privremenog stečajnog upravnika imenuje se **Senad Uzunić iz Tuzle, ul. Izeta Sarajlića 5C**.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grada Tuzla, radi upisa zabilježbe otvaranja prethodnog postupka.

O b r a z l o ž e n j e

Predlagač „**DENI-ŠPED**“ d.o.o. preduzeće za unutrašnju i vanjsku trgovinu, špediciju i transport Tuzla, Izeta Sarajlića do broja 32, putem zakonskog zastupnika podnio je dana 04.11.2021.godine sudu prijedlog za otvaranje stečajnog postupka nad navedenim privrednim subjektom, zbog platežne nesposobnosti dužnika koji nije bio u mogućnosti izmirivati obaveze po osnovu doprinosa za MIO/PIO i indirektnih poreza, obzirom da ne ostvaruje prihode od polovine 2017.godine, te su mu računi blokirani.

Stečajni sudija je utvrdio da je prijedlog za pokretanje stečajnog postupka podnesen od strane ovlaštenog predlagača i da je isti dopušten u smislu odredbe člana 58. stav 2. i 13. Zakona o stečaju („Službene novine FBiH“ broj 53/2021.), a dana 16.12.2021. godine rješenjem je naložio predlagaču da uplati novčana sredstva na ime predujma finansiranja troškova prethodnog stečajnog postupka radi utvrđivanja uslova za otvaranje stečajnog postupka. Predlagač je dana 10.01.2022.godine dostavio sudu dokaz o uplati predujmljenih sredstava za finansiranje prethodnog stečajnog postupka u iznosu od 5.000,00 KM.

Na osnovu priložene dokumentacije i to: Aktuelni izvod iz sudskog registra od 22.09.2020.g.; Potvrda Nova Banka a.d. Banja Luka o blokadi računa od 01.11.2021.g., prilog Pregled blokada klijenta „DENI-ŠPED“ d.o.o. Tuzla u Novoj banci a.d. Banja Luka na dan 01.11.2021.g.; Uvjerenje Uprave za indirektno-neizravno oporezivanje BiH, RC Tuzla od 12.08.2021.g.; Bilans uspjeha za period od 01.01. do 31.12.2017.godine; Bilans stanja na dan 31.12.2017.godine; Bilans uspjeha za period od 01.01. do 31.12.2018.godine; Bilans stanja na dan 31.12.2018.godine; Bilans uspjeha za period od 01.01. do 31.12.2020.godine; Bilans stanja na dan 31.12.2020.godine, predlagač je učinio vjerovatnim platežnu nesposobnost dužnika.

Na ročištu za saslušanje dužnika održanog dana 13.12.2021.godine, zakonski zastupnik društva Kadrija Hodžić izjavila je da u cijelosti ostaje kod prijedloga za otvaranje stečajnog postupka nad imovinom društva, a kao razlog ističe platežnu nesposobnost društva koje nije u stanju izvršavati svoje dospjele i potraživane obaveze po osnovu PIO/MIO u dužem vremenskom periodu, jer društvo ne obavlja poslovnu djelatnost od 2017.godine, a račun društva, koji je otvoren kod Nove banke a.d. Banja Luka je blokirao od 26.06.2017.godine. Po osnovu indirektnih poreza društvo duguje iznos od 221.919,21 KM. Kako je društvo platežno nesposobno, ne obavlja djelatnost, ima neizmirenih poreznih obaveza (po osnovu doprinosa za PIO/MIO i indirektnih poreza), nema prihode i nije u stanju izvršavati svoje obaveze u dužem periodu, a računi su blokirani od 2017.godine, to je neophodno da se u skladu sa odredbama Zakona o stečaju nad društvom „DENI-ŠPED“ d.o.o. Tuzla pokrene stečajni

postupak. Osim toga društvo je kreditno zaduženo i sva imovina mu je po osnovu kreditnog zaduženja pod hipotekom, radi se o imovini, odnosno nekretninama upisanim ZK uložak broj 153 KO Breške, ZK izvadak broj 134 KO Dokanj, ZK izvadak broj 261 KO Dokanj i ZK izvadak broj 241 KO Dokanj (u pitanju su zemljište i kuća u površini 634 m², sve pod hipotekom u korist Zirat banke BiH). Djelatnost društva bile su špeditorske usluge i transport.

S obzirom na naprijed navedeno sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju. Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.